

मालु अतोग़ साळते

रासवालोर: किसोर वडे, जयवंति पुंग्गटि
पोटो रेहवालोर: साळता दोस्तालोर



मालु पेदिरतोग पेकाल मतोग. मालु
बेस्केन एग मीवोग, तला ऊळोग,
तोड नोगवोग, पका करब मंदोग.



उंद दिना वेल्लाय जोम उंजिस मतोग.
पलते कग्स दायहूपा उंदि पदि
कलियता. पदि इता, "नना नीवा
दादानन महनन, माट इर्वल चिक्लाते
कग्सकल," इता "आयो रा ! नना
कग्सोन" इतोग.



मालु मुनेह अतस्के, उंदि बरे
कलियता. बरे इता “नना
एग्स्कतन, निमा वेने एग्स्कतिन,”
इता. मालु इतोग, “अट अट ! नीवा
संगे कग्सोन.”



पया मुनेह अतस्के, उंदि गाळ्दि
कलियता. गाळ्दि इता, “नाक वेने
अर्व वसो, रास वसो, नीक वन
वसो, दय माट पका वेलियकल”
इता.



पया मालुह्क पका ओड वाता,
ओड आसि मालु तान अटेते
नल्हतोग. गाळ्दि ओडते मालुन
लाता ईता. मालु अळतोग, ओना
जीवा नोता.



मालु पया लोन अन्जि एग मीतोग,
नेय ओकिस, तला ऊळतोग, आडि
उकिस केगतोग, इंजेक मालु पका
बेस दिसिहतोग. पाटि-पुस्तक पोसि
साळात अतोग.



अगदे उंदि पूसल कलियता, पूसल
इता, "मालु, निमा बळिया
दिसिह्निन, दय माट कग्सकल."



इता, "निमा बेस दिसिह्निन, नाकु
बेसतोर पेकोर पसंद वास्तोर, इद
नावा पाल उन" इता.



पया मालुन साळाते ऊळिस, पेकोर
टप्लाडः पातोर, गुरजि ओन बेस
इता, उंदि पुंगग ईता.